



UNIVERSITÄTS-
BIBLIOTHEK
PADERBORN

Universitätsbibliothek Paderborn

Capitvlaria Regvm Francorvm

Additae sunt Marculfi monachi & aliorum formulae veteres, & Notae
doctissimorum virorum

Baluze, Etienne

Parisiis, 1677

CX. Ejusdem praeceptum pro Ecclesia Barcinonensi.

urn:nbn:de:hbz:466:1-22974

regritate sua atque adjacentis quietè tenere atque possidere nemine inquietante. Similiter omnes alodes qui fuerunt Fredario & uxori suæ Deufianæ, qui sunt in Carcasense, qui fuit infidelis noster. Similiter omnes alodes Hostoliti & fratrum suorum, qui alodes sunt in Carcasense, infidelium nostrorum. Hæc autem omnia cum Ecclesiis, villis, silvis, vineis, pratis, & cum omni integritate sua Olibæ in proprium concedimus & de jure nostro in jus ac dominationem illius solemniter transferimus, ita ut ab hodierna die & deinceps quicquid ex prædictis rebus facere voluerit, liberam & firmissimam in omnibus habeat faciendi sicut de reliquis rebus suæ proprietatis nemine contradicente. Ut autem hujus nostræ auctoritatis præceptum plenius in Dei nomine firmitatis obtineat vigorem, manu nostra illud firmavimus, atque anuli nostri impressione subter jussimus sigillari.

Signum Karoli gloriosissimi Imperatoris Augusti.

Audacer ad vicem Gauzlini recognovit.

Data 111. Idus Junij, Indictione decima, anno xxxviii. regni Karoli gloriosissimi Imperatoris Augusti in Francia, & imperij ejus secundo.

Actum Carisiaco palatio feliciter in Dei nomine. Amen.

• Protatius ambasciavit.

CIX.

Ludovici II. Regis Francorum præceptum pro Ecclesia Parisiensi.

An. 878.
Ex patre
charulario
Ecclesie
Parisiensis.

IN nomine Domini Dei æterni & salvatoris nostri Iesu Christi. Ludovicus misericordia Dei Rex. Si ecclesiasticis negotiis consulendo, quorum statum ad emeliorationem ob Christi amorem deducimus, ab ipso non dubitamus accipere retributionem pro cuius hoc honore peragimus. Noverit igitur omnium fidelium sanctæ Dei Ecclesie nostrorumque præsentis & futura sagacitas quoniam Adelaidis castissima nostra conjux & Gauzlinus venerabilis Abbas ad nostram accedentes mansuetudinem deprecati sunt ut in nostræ mercedis augmentum semperque virginis intemeratæ genitricis Mariæ emolumentum Yngeluvino venerabili Parisiensis urbis Episcopo & suæ Ecclesie, quæ est in honore sanctæ Mariæ matris Domini ædificata, per nostrum denuo præceptum, patris nostri imitantes liberalitatem, abbatiam sancti Eligij, quæ est infra muros Parisij civitatis, ad jus ecclesiasticum habendam & ab ipso & ab omnibus successoribus suis æternaliter possidendam reconcederemus. Sed jamdictus venerabilis Episcopus Yngeluvinus deprecatus est ut ex ipsa abbatia quandam villulam quæ vocatur Gentiliacus cum Ecclesia & omnibus ad eandem villulam pertinentibus memoratæ suæ matri Ecclesie ad luminaria per hoc ipsum nostræ auctoritatis præceptum perpetualiter habendam concederemus, cuius etiam preces spernere nolumus. Unde ob Domini nostri Iesu Christi suæque genitricis amorem nostræ concessionis iterum fieri præceptum & jamdicto Yngeluvino venerabili

Episcopo atque suæ matri Ecclesie dari jussimus, per quod supradictam abbatiam cum omnium suarum rerum integritate tam ipse quam & omnes post eum futuri Pontifices libere teneant, sicut a genitore nostro institutum est, & more ecclesiastico perenniter possideant, eo scilicet ordine sicut & alias res quæ eidem matri Ecclesie concessæ habentur, verùm præfatam villulam Gentiliacum propriè ad luminaria jugiter teneat; quam volumus ut nullus Episcoporum per accidentia tempora ad suam proprietatem detinetet aut alicui dare præsumat, sed tantum ad luminaria deserviat. Eo si quidem pacto ut diem à Deo nobis concessæ unctiois, quæ est vii. Idus Decembris, & diem nostri futuri obitus præful memoratus atque sui successores sub continua orationum Missarumque assiduitate cum omni clero sibi commisso celebret, & refectiones in jamdictis diebus in utraque congregatione studiosissimè peragantur. Ceterum pro præsentis utriusque Ecclesie emolumento à nobis restituito omni præful pro nobis, conjuge, & prole, regnique statu Domini misericordiam inclinenter exorare procuret. Et ut hæc nostræ denuo reconfirmatiois auctoritas per omnia tempora inviolabiliter conservetur, manu propria subter firmavimus, & anulo nostro insigniri jussimus.

Velfardus Notarius ad vicem Gozlini recognovit & subscripsit præceptum hujus exemplariæ.

Datum 1 v. Non. Aprilis Indictione xi. anno i. regni Domini Ludovici gloriosissimi Regis.

Actum Parisius civitate in Dei nomine feliciter. Amen.

CX.

Ejusdem præceptum pro Ecclesia Barcinonensi.

IN nomine Domini Dei æterni & Salvatoris nostri Iesu Christi. Ludovicus misericordia Dei Rex. Si sacerdotibus in quibuslibet necessitatibus ecclesiasticis nostra auctoritate sublevandis consulimus, & ad ministerium suum liberè exsequendum opem ferimus, à summo Pontifice Domino nostro Iesu Christo æterna remuneratione largiri nobis præmia non ambigimus. Notum sit igitur omnibus fidelibus sanctæ Dei Ecclesie nostrisque præsentibus scilicet & futuris quia venerabilis Prodyonus Barchinonensis Episcopus ad nostram accedens clementiam deprecatus est regiam celsitudinem nostram quatenus ipsam Ecclesiam & sedem Barchinonensem sub immunitatis nostræ tuitione susciperemus, sicut Dominum genitorem nostrum Karolum Imperatorem constat fecisse. Cujus precibus liber acquiescentes præcipiendo jubemus ut nullus iudex publicus vel quilibet ex judiciaria potestate in Ecclesias aut loca aut agros seu reliquas possessiones quas moderno tempore in quibuslibet pagis vel territoriis infra ditionem regni nostri justè & legaliter memorata tenet vel possidet Ecclesia, vel ea quæ deinceps à catholicis viris divina pietas in jure ipsius Ecclesie tam ingenuos quam servos super terram ipsius voluerit augeri, ad causas

An. 878.
Ex charulario
Ecclesie
Barcinonensis.

audiendas, aut fræda vel tributa exigenda, aut mansiones vel paratas faciendas, aut fidei iustores tollendos, aut homines ipsius Ecclesiæ tam ingenitos quàm servos super terram ipsius commanentes vel francos injustè nec justè distingendos, nec ullas redibitiones aut illicitas occasiones requirendas, nostris & futuris temporibus ingredi audeat, vel ea quæ superius memorata sunt penitus exigere præsumat, sed liceat memorato Præsuli suisque successoribus res prædictæ Ecclesiæ cum omnibus sibi subjectis sub immunitatis nostræ defensione quieto ordine possidere & nobis fideliter deservire. Petiit etiam idem venerabilis Frodoynus Episcopus ob amorem Dei & reverentiam sanctæ crucis, in cuius honore prædicta Ecclesia Barchinonensis dedicata est, & sanctæ Eulaliæ, cuius corpus in ipsa Ecclesia requiescit, ut canonicam restaurare eidem Ecclesiæ, quæ penitus destructa esse videtur, ei concessissemus, & auxilium sive adiutorium præberemus. Nos ergo ob remunerationem mercedis animæ nostræ concedimus eidem Episcopo licentiam canonicam ejusdem Ecclesiæ restaurandi. Et ad ipsam Ecclesiam concedimus & per hoc præceptum nostræ auctoritatis confirmamus cellam sanctæ Eulaliæ & sancti Genesij, sicut Iovencianus Presbyter de heremo traxit, & quod incultum reliquit, cum omnibus appendiciis suis, molinis, terris, & hortis, & agrum qui est situs juxta strata publica prope villam Pinellos, & cellam quæ est pagi Gerundensis, sive sancti Martini Ecclesiam, cum vineis & silvis & villis sibi pertinentibus, & domum sancti Cucuphatis & sancti Felicis ad locum Octavianum cum aprisonibus & adjacentiis & omnibus ibidem pertinentibus, sicut Oskofredus Abba per præceptum tenuit, domum sancti Genesij & sancti Martini sitam in rivo Teneis, & villa quæ dicitur Codes cum speluncis, molinis, terris cultis & incultis, & omnibus adjacentiis suis, item domum sancti Martini ad locum maritimum, juxta rivo Argentonæ, cum villaricellos desuper positos, cum terminis & adjacentiis suis. Item concedimus prædictæ Ecclesiæ seu venerabili Episcopo prædicto de proprietate nostra locum qui dicitur Riellos, situm in latere montis Signi, juxta alodem Baroni, & villam quæ dicitur Breda, & villam Campinos cum exemplariis, ædificiis, casticiis, & vineis, terris cultis & incultis, & cum omnibus adjacentiis ibidem pertinentibus, cum domo & vinea vel orto quod ibi ædificavit Otolgus Presbyter, & villaricello quod dicitur Cerdanus per summitatem montis Signi usque in rivo Tordaria, excepto quod Spani homines de heremo traxerunt. Et in alio loco, villare quem dicunt de Provasio, & Ecclesia sanctæ Mariæ ibidem sita. & villaricellos qui sunt per ipsa terra de ipso monte, unde ipsa strata dividit usque ad aliam stratam quæ pergit de Gerunda ad Barchinonam. Concedimus insuper ei tertiam partem telonei, sicut Bernardus Marchio noster per præceptum genitoris nostri ei acceptavit de suburbio loci ipsius, tam de mari quàm omni mercationi, & de heremis terræ, & de portatico, & de moneta. & villam, id est Romanos, cum villaricello desuper posito, juxta domum sancti Stephani, & alteram villam Rodaldi cum suis ad-

iacentiis, sicut in præcepto Domni genitoris nostri continetur, seu domum quæ in civitate est Barchinona, sicut Adalvus Episcopus habuit. Concedimus ei agrum suum prope civitatem Barchinonam quem hæcenus Godus nomine Recosindus de potestate Ioannis Episcopi tulit & abfque lege tenuit. Volumus etiam ut præfatus Episcopus sui que sibi commissi pro nobis, conjuge, ac prole Domini misericordiam exorare non neglegant. Ut autem hæc nostræ munificentie auctoritas firmior habeatur, & nostra largitas semper in Dei nomine obtineat firmitatis vigorem, manu propria subter eam firmavimus, & anulo nostro insigniri iussimus.

Signum Ludovici gloriosissimi Regis.

Vulfardus Notarius ad vicem Gozleni recognovit.

Datum v. Idus Septembris Indictione xj. anno primo regni Domni Ludovici gloriosissimi Regis.

Actum Treccas civitate in Dei nomine feliciter. Amen.

C X I.

Karlomanni Regis Italia præceptum pro monasterio sanctæ Christinæ.

IN nomine sanctæ & individue Trinitatis. Karlomannus divina favente gratia Rex. Quicquid pro Dei summi amore sanctorum ipsius veneratione sacratis locis impendimus, ad nostri augmentum regni non diffidimus profuturum. Idcirco universorum sanctæ Dei Ecclesiæ fidelium nostrorumque fidelium presentium scilicet & futurorum sagacitas noverit quod nos tam divino tacti instinctu quàm sempiternæ retributionis compulsi intuitu ad repropitiandum nobis nostrisque parentibus cælestem Regem & dominatorem omnium, beate virginis & martyris Christinæ cænobium in Italico regno constructum haud procul à curte regia qua Ollona dicitur, ubi venerabilis Abba Trasoaldus præesse videtur, cum omnibus qui sub cura & ditione ipsius sunt famulis Christi, cunctisque rebus ac familiis ad eundem locum respicientibus, sub nostrum mundebardum & perennem tuitionem suscepimus. Confirmamus quoque solemniter & per hanc nostræ auctoritatis paginam corroboramus quicquid eidem venerabili monasterio in rebus mobilibus & immobilibus à tempore constitutionis suæ usque in præsens ex dono priscorum Regum Reginarumque tam antecessorum quàm propinquorum nostrorum seu aliorum quorumlibet fidelium largitione, collatione, vel qualicumque oblatione divina pietas contulit aut largiri dignabitur in posterum, ut habeant illud atque possideant famuli Christi jure quieto ac pacifico sub nostræ immunitatis protectione illæsi jugiter permanentes, & pro nostri statu regni altissimum rogantes, omni nostra hereditumque nostrorum ac successorum molestatione, inquietudine, vel subtractione remota. Volumus denique ut quotienscunque vel undecunque opus habuerint, de rebus & familiis ejusdem monasterij tamquam de dominicatis nostris per publicos

An. 879.
Ex veteri
codic. Lon-
gobardico.